



24. maj 2012

Inatsisartut suleriaasia § 37, immikkoortoq 1, naapertorlugu Naalakkersuisunut apeqqut imaattoq saqqummiuppara.

**Matumuuna paaserusuppara sinerissap qanittuani saarullinniartut pisassaat 15.000-tons tamakkerneqarpata Naalakkersuisut pisasseeqqinniartaat?**

**Saarullinniat tunisilluassappata umiarsuarnik tunitsiviliinissamut periarfissat pitsaanerpaat ilagaat. Taamaattumik apeqqutiginiarpara tunitsiviliinissamut qinnuteqartoqarsimansoq?**

**Aammalu nunatta iluani sorlerninngaaniit qinnuteqartoqarpa? Aammalu qinnuteqartut qassiuppat?**

(Hans Enoksen, Siumut)

**Tunnngavilersuut:**

Nunatsinni aalisartut saarullinniartut amerlanerpaajupput tassalu oqarsinnaagutta Aasianniit kujammut nunatta kujataanut, tassanilu ilaqutariippasuit saarullinniarnermik tunnngaveqarlutik inuupput. Ukioq mannaluk aalisartunik ilimagilluinnarneqarpoq saarulleqarluarnissaa.

Nalunngilarput nunami tunitsiviit pisinnaasaat killeqarluinnartut qularinngilaralu aalisartut tunisilluarnissartik assut kissaatigigaat. Tassami saarulliit akii qaffasinnerpaajunngillat imminnullu akilersinnaasumik aalisarniassagunik sapinngisamik aporfissaqarpallaanngitsumik ingerlanissartik kissaatigisarpaat.

Aammalu aalisarneq ingerlalluarpat qularnanngivippoq pisassat sukkasuumik aalisarneqassasut, taamaattumik pisasaaruppata Naalakkersuisut pisasseeqqinniarnersut paaserusuppakka.

Ikinngutinnersumik inuulluaqqusillunga

Hans Enoksen